

Chiāh siuⁿ pá

Ui-chì

Tī chit-ê piàn-thài ê siā-hōe, ū chin chē kán-tan ê tō-lí, sòa ài iōng chiok kú ê sî-kan chiah ē-sái thé-hōe.

Tú lâi kàu Tâi-pak, chiok chē só-chāi lóng bô siáⁿ kòan-sì, iû-kî sī khai-chîⁿ ê thài-tō. Góa 1-kóa Tâi-pak ê tōng-chhong tiòh chiok ài chio ták-ê khì chiāh siáⁿ-mih buffet. Chit ê Eng-gí sū ê hoat-im chiok sēng Tâi-gí ê “tōh hóe”, mā sēng Chi-na òe kóng ê “不肥” . Nā kóng “不肥” sī bô-iáⁿ, kóng “tōh hóe” tiòh khak-khak-sit-sit--ah.

Buffet tiòh-sī chū-chō-chhan chiāh kàu pá ê i-sù, liōng bô teh hān-chè, koh chhōan hiah chē liāu-lí, tong-jiân kè-siàu bô siòk, siōng bô mā ài 3-4 pah khơ. Tùi góa chit-ê ùi ē-káng lâi ê gín-á lâi kóng, chiāh 1-tng pñg, chîⁿ nā khai pí 100 khah ke tō chin ngāi-giòh--ah. Chóng--sī, siūⁿ beh khì khòaⁿ māi--leh, nā bô ài khì koh kiaⁿ hō tōng-chhong khì-hiâm.

Nā koat-tēng beh khì, ùi chîⁿ-tē-á sa 3-4 tiuⁿ gîn-phiò chhut--lâi, sim-koanⁿ-té tiòh chin m̄-kam, m̄ chiah piān-nā khì kàu tè tiòh ngē thui, pak-tó hiān to tiuⁿ kah, ka-pi khì-chúi iáu sī thoa teh kòan.

Bóe--á siūⁿ kóng, chiāh-pñg sī teh hiáng-siū, nā tiòh chiah-nih kan-khó, koh khòaⁿ tiòh hit-kóa Tâi-pak ê tōng-óh, ná-chhiūⁿ lóng chiāh kah chhùi chhiò bák chhiò. Che hō góa chiok khór-náu..ê, siūⁿ lóng bē thong, bák-chiu chêng ū hiah chē hó-liāu..ê, koh tiòh khai hiah chē chîⁿ, chiāh bô kàu pún ná ē-ēng..ê!

Gôan-lâi, góa khòaⁿ hit 400 khơ kap in ê kak-tō bô kāng.

Lán chiāh mih-kiāⁿ ū pun chit kap liōng, che “tōh-hóe” sī 2-hāng kiam ū, chóng--sī bô khó-lêng 2-hāng lóng beh báu, góa tiòh-sī lóng beh ài, m̄ chiah ē chiāh kah hiah kan-khó, koh chài kóng, góa lóng iōng siòk-mih ê kè-tát khì kap “tōh-hóe” pí, siūⁿ kóng khai 400 khơ tiòh ài chiāh ū 400 khơ ló-bah-pñg ê giäh.

Sòa m̄-chai sè-hàn chhù--nih chin pháiⁿ kòe, bóe--á chōng-hóng khah hó--ah, Mama lóng kiaⁿ góan ē iau--tiòh, chhù--nih put-sî to khóan chiok chē mih-kiāⁿ teh tán, peng-siuⁿ ê mih-kiāⁿ to chiⁿ kàu mñg bē koaiⁿ--tit..ah, i koh pòaⁿ-po-á tiòh ná mñg góan ē iau--bóe, ná khóan mih-á hō góan chiāh, sui-jiân sin-khó, m̄-kú i lóng ē chiok hoaⁿ-hí..ê, góan m̄-chiah bē iau mā in kóng beh chiāh.

Chiāh-pñg chiāh 7-hun pá tiòh hó, m̄-thang chiāh kàu siuⁿ tiuⁿ. Chit-ê kán-tan ê tō-lí hiān-tāi-lâng lóng chai-iáⁿ, góa sòa kàu kah 20-hòe chiah liáu-kái. Chit-ê siā-hōe chin-chiàⁿ piàn-thài.